

REGLUGERÐ

um tilkynningu dýrasjúkdóma innan Evrópska efnahagssvæðisins.

1. gr.

Ákvæði samningsins um Evrópska efnahagssvæðið sem vísað er til í I. kafla í I. viðauka skulu öðlast gildi með breytingum og viðbótum sem leiðir af I. viðauka, bókun 1 við samninginn og öðrum ákvæðum hans. Á grundvelli ákvörðunar sameiginlegu EES-nefndarinnar nr. 133/2007, frá 1. maí 2010, öðlast eftirfarandi EBE-tilskipun gildi hér á landi:

Tilskipun ráðsins 82/894/EBE frá 21. desember 1982 um tilkynningu dýrasjúkdóma innan bandalagsins.

2. gr.

Tilskipun ráðsins nr. 82/894/EBE er birt sem fylgiskjal við reglugerð þessa.

3. gr.

Matvælastofnun fer með eftirlit með því að ákvæðum þessarar reglugerðar sé framfylgt í samræmi við lög nr. 93/1995 um matvæli, með síðari breytingum og lögum nr. 25/1993 um dýrasjúkdóma og varnir gegn þeim, með síðari breytingum.

4. gr.

Um brot gegn reglugerð þessari fer samkvæmt XI. kafla laga nr. 93/1995 um matvæli, með síðari breytingum og VIII. kafla laga nr. 25/1993 um dýrasjúkdóma og varnir gegn þeim, með síðari breytingum.

5. gr.

Reglugerð þessi er sett með stoð í 31. gr. a laga nr. 93/1995 um matvæli, með síðari breytingum og 29. gr. laga nr. 25/1993 um dýrasjúkdóma og varnir gegn þeim, með síðari breytingum.

6. gr.

Reglugerð þessi öðlast þegar gildi.

Sjávarútvegs- og landbúnaðarráðuneytinu, 8. mars 2012.

F. h. r.

Sigurgeir Þorgeirsson.

Indriði B. Ármannsson.

Fylgiskjal.**TILSKIPUN RÁÐSINS**

frá 21. desember 1982

um tilkynningu dýrasjúkdóma innan bandalagsins**(82/894/EBE)**

RÁÐ EVRÓPUBANDALAGANNA HEFUR,

með hliðsjón af stofnsáttmála Efnahagsbandalags Evrópu, einkum 43. og 100. gr.,

með hliðsjón af tillögu framkvæmdastjórnarinnar, með hliðsjón af álitum Evrópuþingsins ⁽¹⁾,með hliðsjón af álitum efnahags- og félagsmálanefndarinnar ⁽²⁾,*og að teknu tilliti til eftirfarandi:*

Bandalagið hefur gefið út reglugerðir að því er varðar heilbrigðiskröfur í viðskiptum innan bandalagsins með nautgripi og svín, nýtt kjötmeti, nýtt alifuglakjöt og kjötafurðir.

Tilteknir smitandi dýrasjúkdómar hafa í för með sér hættu fyrir hjarðir í bandalaginu, einkum að þeir breiðist út af völdum viðskipta innan bandalagsins. Skjótar og nákvæmar upplýsingar eru nauðsynlegar svo beita megi varúðar-ráðstöfunum sem kveðið er á um í reglugerðum bandalagsins.

Aðildarríkin skulu tilkynna hvert öðru og framkvæmdastjórninni þegar tilteknir dýrasjúkdómar koma upp eða hafa gengið yfir á yfirráðasvæði þeirra, í samræmi við 9. gr. tilskipunar ráðsins 64/432/EBE frá 26. júní 1964 um vanda á sviði heilbrigðis dýra sem hefur áhrif á viðskipti innan bandalagsins með nautgripi og svín ⁽³⁾, eins og henni var síðast breytt með tilskipun ráðsins 80/1274/EBE ⁽⁴⁾; 11. gr. tilskipunar ráðsins 71/118/EBE frá 15. febrúar 1971 um heilbrigðisvanda sem hefur áhrif á viðskipti með nýtt alifuglakjöt innan bandalagsins ⁽⁵⁾, eins og henni var síðast breytt með tilskipun ráðsins 80/216/EBE ⁽⁶⁾; 7. gr. tilskipunar ráðsins 72/461/EBE frá 12. desember 1972 um heilbrigðisvanda sem hefur áhrif á viðskipti með nýtt kjötmeti innan bandalagsins ⁽⁷⁾, eins og henni var síðast breytt með tilskipun ráðsins 80/1099/EBE ⁽⁸⁾ og 7. gr. tilskipunar ráðsins 80/215/EBE frá 22. janúar 1980 umvanda á sviði heilbrigðis dýra sem hefur áhrif á viðskipti með kjötafurðir innan bandalagsins ⁽⁹⁾, eins og henni var síðast breytt með tilskipun ráðsins 80/1100/EBE ⁽¹⁰⁾.

Nauðsynlegt er að mæla sérstaklega fyrir um hvernig tilkynningum skuli hagað og hvaða sjúkdómar verði tilkynningaskyldir. Einkum ætti að endurskoða reglulega sjúkdómsástandið í hverju aðildarríki.

Í ljósi fenginnar reynslu er þörf á að aðlaga tilkynninguna að tæknilegum þörfum, í samræmi við málsmeðferð sem krefst náinnar samvinnu milli aðildarríkja og framkvæmdastjórnarinnar.

SAMÞYKKT TILSKIPUN ÞESSA:

1. gr.

1. Í þessari tilskipun er fjallað um tilkynningar um:

— uppkomu sjúkdóms sem er talinn upp í I. viðauka,

— afnám — eftir útrýmingu síðasta sjúkdómstilfellis — takmarkana að því er varðar uppkomu sjúkdóms sem er talinn upp í I. viðauka.

2. Tilskipun þessi gildir með fyrirvara um sérstök ákvæði um upplýsingar að því er varðar samhæfingu við útrýmingu og/eða forvarnir gegn dýrasjúkdómum.

2. gr.

Í þessari tilskipun er merking eftirfarandi hugtaka sem hér segir:

- a) „bújörð“: athafnasvæði (landbúnaðarbylí eða annað) á yfirráðasvæði aðildarríkis þar sem dýr eru haldin eða alin;
- b) „tilfelli“: opinber staðfesting sjúkdóms sem er talinn upp í I. viðauka í dýri eða skrokki;
- c) „uppkoma sjúkdóms“: bújörð eða staður á yfirráðasvæði bandalagsins þar sem dýrum er safnað saman og þar sem eitt eða fleiri tilfelli hafa verið opinberlega staðfest.

⁽¹⁾ Álitum var skilað 12./13. apríl 1982 (hefur enn ekki verið birt í Stjórnartíðindum).⁽²⁾ Stjtið. EB nr. C 112, 3. 5. 1982, bls. 4.⁽³⁾ Stjtið. EB nr. 121, 29. 7. 1964, bls. 1977/64.⁽⁴⁾ Stjtið. EB nr. L 375, 31. 12. 1980, bls. 75.⁽⁵⁾ Stjtið. EB nr. L 55, 8. 3. 1971, bls. 23.⁽⁶⁾ Stjtið. EB nr. L 47, 21. 2. 1980, bls. 8.⁽⁷⁾ Stjtið. EB nr. L 302, 31. 12. 1972, bls. 24.⁽⁸⁾ Stjtið. EB nr. L 325, 1. 12. 1980, bls. 14.⁽⁹⁾ Stjtið. EB nr. L 47, 21. 2. 1980, bls. 4.⁽¹⁰⁾ Stjtið. EB nr. L 325, 1. 12. 1980, bls. 16.

- d) „frumuppkoma sjúkdóms“: uppkoma sem hefur ekki dýrafarsóttarfræðileg tengsl við fyrri tilfelli á sama svæði aðildarríkis eins og skilgreint er í 2. gr. tilskipunar 64/432/EBE eða fyrsta uppkoma á öðru svæði í sama aðildarríki.

3. gr.

1. Aðildarríki skal, innan 24 klukkustunda, tilkynna beint, bæði framkvæmdastjórninni og öðrum aðildarríkjunum:

- um frumuppkomu sjúkdóms sem er talinn upp í I. viðauka og staðfestur á yferráðasvæði þess;
- afnám — eftir útrýmingu síðasta sjúkdómstílfellis — takmarkana að því er varðar tilfelli af sjúkdómi sem er talinn upp í I. viðauka.

2. Tilkynningarnar sem um getur í 1. mgr. skulu fela í sér upplýsingarnar í II. viðauka og sendast með fjarrita.

3. Að því er varðar svínapest skulu upplýsingarnar sem kveðið er á um samkvæmt tilskipun ráðsins 80/217/EBE frá 22. janúar 1980 um ráðstafanir bandalagsins vegna eftirlits með svínapest⁽¹⁾, eins og henni var síðast breytt með tilskipun 80/1274/EBE⁽²⁾, vera taldar fullnægjandi.

4. gr.

1. Með fyrirvara um ákvæðin sem um getur í 2. mgr. 1. gr., skal aðildarríki tilkynna framkvæmdastjórninni beint, hið minnsta fyrsta virka dag viku hvernar, síðari uppkomu sjúkdóms sem er talinn upp í I. viðauka og staðfestur á yferráðasvæði þess.

Tilkynningin skal taka til vikunnar sem lýkur á miðnætti sunnudagsins fyrir tilkynningu.

Framkvæmdastjórnin skal taka saman upplýsingar og senda þær síðan til aðalstöðva dýralækninga í hverju aðildarríki.

2. Hafi framkvæmdastjórnin ekki fengið neinar upplýsingar skal litið svo á að ekki hafi verið um að ræða nein tilvik um síðari uppkomu á því tímabili sem um getur í annarri undirgrein 1. mgr.

3. Í tilkynningunum sem um getur í 1. mgr. skulu vera upplýsingarnar í II. viðauka og sendast með fjarrita.

5. gr.

1. Áður en tilskipun þessi kemur til framkvæmda ber að ákveða, í samræmi við málsmeðferðina sem mælt er fyrir

um í 6. gr., hvaða kerfi skuli haft á skráningu þeirra upplýsinga sem ber að senda samkvæmt II. viðauka.

2. Ákveða má í samræmi við málsmeðferðina í 6. gr.:

- að bæta við eða breyta viðaukunum,
- þrátt fyrir 4. gr. og í ljósi viðkomandi sjúkdóms og einkum þróunar dýrafarsóttar, að breyta tímabundið umfangi, innihaldi og tíðni tilkynningarinnar.

6. gr.

1. Þegar fylgja skal málsmeðferð þeirri sem sett er fram í þessari grein ber formanni að vísa málinu án tafar til fastanefndarinnar um dýraheilbrigði sem komið var á fót með ákvörðun ráðsins frá 15. október 1968 (hér á eftir kölluð „nefndin“), annaðhvort að eigin frumkvæði eða að beiðni fulltrúa aðildarríkis.

2. Atkvæði fulltrúa aðildarríkjanna í nefndinni vega eins og mælt er fyrir í 2. mgr. 148. gr. sáttmálans. Formaður greiðir ekki atkvæði.

3. Fulltrúi framkvæmdastjórnarinnar leggur fyrir nefndina drög að þeim ráðstöfunum sem gera skal. Nefndin skal skila álitinu sínu á drögum fyrir þau tímamörk sem formaðurinn setur eftir því hversu brýnt málið er. Álit skal samþykkt með 45 atkvæða meirihluta.

4. Framkvæmdastjórnin skal samþykkja ráðstafanirnar og beita þeim þegar í stað séu þær í samræmi við álit nefndarinnar. Séu ráðstafanirnar ekki í samræmi við álit nefndarinnar, eða skili nefndin ekki álit, ber framkvæmdastjórninni án tafar að leggja tillögu fyrir ráðið um ráðstafanir sem geraskal. Ráðið tekur ákvörðun með auknum meirihluta.

Hafi ráðið ekki samþykkt neinar ráðstafanir innan þriggja mánaða frá því að málinu var vísað til þess skal framkvæmdastjórnin samþykkja fyrirhugaðar ráðstafanir og koma þeim þegar í stað til framkvæmda nema einfaldur meirihluti í ráðinu hafi greitt atkvæði gegn þeim.

7. gr.

Aðildarríkin skulu samþykkja nauðsynleg lög og stjórnsýslufyrirmæli til að fara að tilskipun þessari eigi síðar en 1. janúar 1984. Þau skulu tilkynna það framkvæmdastjórninni þegar í stað.

8. gr.

Tilskipun þessari er beint til aðildarríkjanna.

Gjört í Brussel 21. desember 1982.

Fyrir hönd ráðsins,
O. MÖLLER forseti.

⁽¹⁾ Stjótið. EB nr. L 47, 21.2. 1980, bls. 11.

⁽²⁾ Stjótið. EB nr. L 375, 31. 12. 1980, bls. 75.

I. VIDAUKI

Tilkynningaskyldir sjúkdómar

Gin- og klaufaveiki

Nautapest

Illkynjuð brjósthinnubólga í nautgripum

Blátunga

Blöðruveiki í svínunum

Svínapest/Afríkusvínapest

Smitandi lömunarveiki í svínunum („Teschen-veiki“)

Hæsnapest/Newcastle-veiki

II. VIÐAUKI

Upplýsingar sem fylgja tilkynningunni

1. Upplýsingar sem krafist er samkvæmt 3. gr. við frumuppkomu sjúkdóms sem er talinn upp í I. viðauka:

1. Sendingardagur
2. Sendingartími
3. Heiti aðildarríkis
4. a) Heiti sjúkdóms
b) Heiti veiru, þar sem við á
5. Staðfestingardagur
6. Landfræðileg staðsetning bújarðarinnar
7. Fjöldi móttækilegra dýra á bújörðinni a) nautgripir, b) svín, c) sauðfé, d) geitur, e) alifuglar.
8. Fjöldi dýra sem slátrað er a) nautgripir, b) svín, c) sauðfé, d) geitur, e) alifuglar
9. Fjöldi skrokka sem fargað er a) nautgripir, b) svín, c) sauðfé, d) geitur, e) alifuglar.

2. Upplýsingar sem krafist er samkvæmt 4. gr. við síðari uppkomu sjúkdóms sem er talinn upp í I. viðauka:

1. Sendingardagur
2. Sendingartími
3. Heiti aðildarríkis
4. Fyrir hvern tilkynntan sjúkdóm skal tilgreina:
 - a) heiti sjúkdóms
 - b) fjölda sjúkdómsuppkoma

3. Upplýsingar sem krafist er samkvæmt 3. gr. um afhám takmarkana sem settar eru í aðildarríki eftir útrýmingu síðustu tilfella af sjúkdómi sem er talinn upp í I. viðauka.

1. Sendingardagur
2. Sendingartími
3. Heiti aðildarríkis
4. Heiti sjúkdóms
5. Dagur sem takmarkanir eru afnumdar